

maximæque celeritatis: de quibus omnibus cum alij fatis multa dixerint hæc vel obiter posuisse hoc loco sufficiat.

*Animan-
tia Iava
præcipua.*

Inter cætera animantia, quæ Iava producit, Elephantus est, cicuratus & mansues præcipuè hoc tractu: Eiusque in exantlandis laboribus maximus hic usus: & præter ministerium quod vehendis oneribus præstat, etiam bello utilis habetur. Dentes verò in operibus & instrumentis monilibusque fabricandis tanti fiunt, ut ex Æthiopæ parte quæ est à Sofala, usque ad Melinde, singulis annis in Indiam devehantur millies sexcenta Pondo, præter eos dentes qui ex his & reliquis Indiæ insulis convehuntur. Non exigua etiam huius Eboris pars ad Sinas defertur.

32



Rhinocerotem quoque haberi indigenæ nostratibus affirmabant; venditumque ip-
sis cornu, quod unicornu loco domum reportarunt; tametsi unicornu non sit, ut ij re-
ferunt qui se probe scire autumant. Huius animalis color Elephanto fere similis est, mag-
nitude Tauri forma apro proxima, præsertim quod ad rostrum attinet, demto naso qui
cornu quoddam est recurvum, omni osse durius: eoque pro armis utitur, ut aper den-
tibus. Habet etiam duo cingula tanquam draconum volumina, à dorso usque ad uterū
circumeuntia, alterum jubam versus, alterum ad lumbum. Cervos vero & cervas Iava
plurimas alit: ijque sclopetis præcipuè transfigi cum soleant, nec eo armorum genere
Iavani cum satis commodè uti norint, maximi sæpenumero eorum greges turmatimq;
vagantes cōspicere est. Præter apros & uros bovesque silvestres, qui magna copia habē-
tur, boves etiam & buculæ cicures sunt, lac effuse præbentes. Nec desunt simiæ & simij &
inter aves Gallinæ ac Galli gallinacei pavonesque ac psittaci, milleque formarum alites
alij. Sed præcipuè admirationem meretur Emis avis, quæ nostris à Rege Iacatræ dono
missa, Amstelodamum etiam viva ac salva perlata est, sed de ea suo mox loco plura.

*Crocodili à
Chinensib⁹
cicurantur.* Nidulantur & Crocodili in Iavæ fluminibus: qui in latebris suis insidias naviculis
struentes totos sæpenumero homines auferunt. Narrant nostrates Crocodilos hosce
singulari ingenio à Chinensibus vivos capi, intraque ædes certo exinde loco pasci ac ci-
curari: & mox probè pastos pinguesque redditos inter eduliorum delicias haberi. Chri-
stophorus Acoſta ait virgam fieri ex arbore avellanæ Indicæ, duorum digitorum crassi-
tudine, ad Crocodilos venandos. Superest